

Kompas Spiritual

Òktober 2012

edishon 7

Den e edishon aki

- 1 Introdukshon
- 2 Spòtlait riba aktividatnan tras di
lomba
- 3 Kontinuashon: Spòtlait riba
aktividatnan tras di lomba
- 4 Kontinuashon: Spòtlait riba
aktividatnan tras di lomba
- 5 Nos Kapelan di Scouting
Antiano na Palabra
- 6 Kontinuashon: Nos Kapelan di
Scouting Antiano na Palabra
- 7 (Tradukshon Parti A) Guidelines
Spiritual And Religious Development
- 8 Pa Bo Sa (desaroyo spiritual)
- 9,10 Kontinuashon: Pa Bo Sa
(desaroyo spiritual)
- 11,12 Aktivitat Spiritual: Krusada Peligroso
- 13 Observe a la Hormiga
Athunto:
- ▼ Perseverá edishon 21



Introdukshon:

Rumannan den amor di Scouting konta, kla pa lesa nos edishon 7 di nos Kompas Spiritual karga ku informashon espesialmente pa bosonan. Promé ku nos sigui laga nos para un ratu ketu riba e introdukshon / spièrtamentu aki,..... pensa i aktua; si nos lesa korant, skucha radio i wak notisianan na televishon nos ta tende i mira pleitu, mentira, menasa, akusashonnan, bochincha, bulgaridat etc. Ta e kos nan aki nos Gran Hòpman ta ferwagt di nos?.....Nos komo scout nos mester hasi un diferensha, den nos moda di ekspresá i anda. Nos fundador Robert Baden Powell a funda e organisashon di Scouting aki netamente pa forma bon siudadanonan pa pais i mundu. Formashon spiritual, sosial ,fisko i intelektual mester ser mira den personalidad di un scout. **Boso ta salu pa mundu. Si salu pèrdè su stansha, kiko lo dun'é su stansha bèk? E no ta sirbi pa nada mas ku pa tira afó; hende ku pasa por trap'é numa. Boso ta lus pa mundu. No ta posibel skonde un siudat situá riba un seru. Niun hende no ta sende un lampi pa despues pon'é bou di un èmber, ma ta pon'é riba un stándart pa lusa tur hende den kas. Meskos asina, boso mester laga boso lampi bria pa otro hende, pa nan mira boso bon obranan i alabá boso Tata den shelu. (Mateo 3:13-16).** I nos di Komishon Pastoral tin e kompromiso di yuda riba e parti spiritual aki. Nos ta para dilanti di un gran reto, pero nos konfiansa ta den nos Gran Hòpman ku lo manda su spiritu di amor i pèrseveransha pa guia nos, i awor ta keda na bosonan pa habri boso kurason i bin risibí e guia i e formashon ku nos Gran Hòpman tin pa boso mi ruman scout. **Yerba ta seka i flornan ta marchitá, pero palabra di nos Dios ta keda na vigor pa semper. (Isaias 40:8)**



Kompas Spiritual

Òktober 2012

Spòtlait riba aktividatnan tras di lomba



Promé ku nos delegashon di Horde a sali pa e encuentro de manadas na Costa Rica, nan pasa serka Kapelan Morrison i tuma nan bendishon. Esaki tuma lugá dia 24 mart na misa di suffisant.



Komishon pastoral a organisá 13 di Aprel su promé tayer pa 2012; Bin siña kon desaroyá bo mes aktividat spiritual. "Jammer" ku e presensia di nos miembronan a laga un tiki di deseá, pero esun nan ku a partisipá a siña, forma nan mes i gosa un bòl di e aktividat aki tambe. E potrèntan ta papia pa nan mes.



1 Mei dia obrero a tuma lugá desvelo di estatua di Mgr. Amado Römer . Nos tin un grupo den nos organisashon ku ta karga e nòmber Mgr. Amado Römer. I e grupo aki tambe tabata presente pa duna honor na e akto aki huntu ku nos alto Komisario.

Djaweps 5 yùli a toka turno na nos delegashon di verkenner, rowan i lider nan ku a bai partisipá na e International Camporee risibí nan bendishon serka nos Kapelan Morrison promé ku nan sali pa Michigan. E sirbishi tabata un simpel pero ku énfasis riba nos hóbennan. E hóbennan mes tabatin parti di e sirbishi na nan enkargo.



Youth Rally St.Lucia,20 yüli pa 30 yüli

E tabata un dushi eksperensia!un relato di Jermandy Damon

E promé dianan nos a bai na "Sufrière" (un parokia den e parti sur di e pais). Akinan nos a bishita diferente lugá turístiko di e pais entre otro: e volkan, nos a bai den serunan tambe i tambe nos a bai ziplining (bo ta sinta den un harnas anto swing pasa dor di mondi). Na e volkan nos a kana rònt di dje i bo por a mira huma ta sali pero tambe bubbel di kayente ku e awa ta. Banda di esei tambe nan a traha un "jacuzzi" pa bo sinta relahá aden. Pa ku esaki nan no tabatin masha trabou pasobra e awa ta kayente kaba. E awa di e volkan tin hopi sulfèr i tin un kreensia ku esaki por kura diferente alergìa. Un otro kaminda ta e serunan einan nos a bai kana den e serunan, no ta manera ora bo ta subi Christoffelberg akinan un gran parti bo ta subi ku outo i ora bo ta haltu kaba bo ta kana den e naturalesa, sin duda un bunita naturalesa ku St. Lucia tin. E parti di ziplining tambe tabata hopi dushi tin 8 diferente waya na kua bo ta kologá i pasa dor di e mondi. M'a gusta asina tantu ku mi tabatin gana di bai un biaha mas! Tambe tabatin un dia ku nos a bai hasi orashon ku diferente persona den e bario. Esaki tabata un eksperensia úniko tambe pasobra bo ta siña balorá tur bo bendishonnan. Den e grupo ku ami tabata nos a bishita un señora ku su dos pianan ta dobla i e ta kana práktikamente riba su ènkel. Tambe un señora siegu ku su yunan no ta interesá den dje mas i ta un bisiaña ta kuid'è.



Despues di e dianan den e parokia na Soufrière nos a bai den e stat pa e konferensia. E tema prinsipal tabata: "The Word of God Shaping The Lives of Our Youth" I tur e 3 dianan tabata tin di haber ku e tópiko aki. Nos a haña diferente charla di Monsigneuran di rònt Karibe i tambe un pastor di Merka. Tur dia nos tabata haña un charla tokante Teology Of the Body (TOB) kual ta e vishon integrá di Papa Huan Pablo 2 tokante e persona humano - kurpa, alma i spiritu. Den esaki e ta splika ku e persona físiko tin un nifikashon spesífiko i ta kapas di revela kontesta pa ku preguntanan fundamental den nos bida. Na e konferensia mes tambe nos a siña un tiki mas di e kultura di St. Lucia; "On La Rose & La Marguerite- Flower Festival". Esakinan ta festivalnan di e kultura ku iglesia katóliko a adoptá (un manera pa trese mas hende serka di iglesia). Tambe tabatin un dia ku nos a hasi un kaminda di krus den e bario kaminda na kada stashon nos a resa pa situashonnan den mundu di awendia.



I na final di e konferensia nos a bai den un stadion di cricket kaminda nos a presensia ordenashon di un diakono. Esei pa ami tabata algu úniko pa motibu ku mi no a yega di presensia un nunca. Resumiendo: un eksperensia úniko, mi a siña hopi. No solamente di e pais i kultura di st. Lucia pero tambe i mas importante kosnan di nos iglesia ku mi no tabata sa i awor ora un persona bin bisami ku mi iglesia no ta esun berdadero mi tin prueba pa probe ku e ta!

E otro hóbennan aktivo di nos organisashon ku a partisipá na e Youth Rally tabata: Corvianique Nicolina, Joella Mambi i Vernaly Borgschot

E hende ku mi ke ta,.....



E hende ku mi ke ta den Fe, Orashon, Bida i komo Scout tabata e tema di e tremendo workshop



organisá pa komishon pastoral djasabra 18 di ougùstùs. Nos kontu ku un presensia di ± 70 persona, miembronan di Scouting Antiano i AJMG. Sala grandi ariba di JCC tabata yen, nos por ripara ku



tabatin un balansa great entre e personanan yòn i di esun nan di un edat mas grandi. Nos oradornan tabata tremendo, tantu Pastor Kiban i Jo-anne Maria a hasi un tremendo trabou, nos partisipantenan a siña hopi i a wòrdu bon informá i forma. Un danki di kurason ta bai pa Pastor Kiban i spesialmente na Jo-anne Maria pa nan amor i disponibilidad, di dediká nan tempu pa yuda forma nos miembronan spiritualmente.

Nos próksimo aktividat ku ta na kaminda wak pa bo ta aden,.... pasobra ta aden ta kontu!!!

This years end celebration will take place on Sunday December 16th.

You are all cordially invited.

Program: Voluntary participation at the holy mass of 18.00 hrs followed by a get together celebration.

Program will end by 22.00 hrs.

Dress: Scout uniform.

Fee: fl. 10,00 per person. One guest per person possible (fee for guest is also fl. 10,00).



Nos Kapelan di Scouting Antiano na Palabra

Kiko ta spiritualidat?

"Spiritualidat" = ta bini di e palabra Hebreo ruach, kual tin diferente nifikashon:

- spiritu
- Rosea • bientu
- e lokual ta duna bida i ta animá algu.

Spiritualidat pues ta:

Loke ta animá un hende su bida di Fe.

Loke ta pone un hende su fe move pa un profundidat òf pa perfekshon.

Loke ta motivá e hende pa ta loke ku den su bida normal lo e no ta.

Loke ta enkurashá un hende pa alkansá algu muchu mas grandi.

Loke ta motivá un hende pa rekonosé un ser mas grandi kuné pero sin dje e no por superá nada.



Pa sigui elaborá riba un definishon di kiko ta spiritualidat kristian ta, nos mester konsiderá elementunan ku ta konsistí di kiko ta kristianidat:

1. **Un kantidat di kreensha**, ku nos ta haña den nos kredo òf den doktrinan di Iglesia.

2. **Un set di balornan**, ku basa riba:

- Speransa i promesa di redenshon
- Stima bo ruman, bo próhimo
- Renunsia na kosnan i na bo mes.

3. **Un manera di bida i di biba:**

Algu real, hende humano na kende nos kreensha i nos balornan ta bini huntu pa ekspresá e loke nos ta kere.

Spiritualidat kristian ta parti di nos manera di biba komo kristiannan.

Spiritualidat Kristian ta e deseo ku hende tin pa biba un bida outéntiko, ku ta envolví den tuma e kreenshanan i balornan di nos fe kristian i pone nan den práktika di nos bida di tal forma ku esakinan ta animá nos i esakinan ta perkurá pa supla riba nos un spiritu i un kandela den nos bida. Esta loke Dios a hasi na kuminsamentu di kreashon den buki di



Génesis ku El a supla riba e hende i dun'é bida. Meskos a sosodé tambe dia di Pentekòste segun San Pablo ta konta den buki di Echonan di Apòstelnan, kaminda Kristu a supla e kandela di Spiritu Santu riba su disipelnan i otronan ku tambe tabata presente.

Spiritualidat ta bibando unu su bida realisando ku nos kurpa, mente i nos ego ta dependiendo di algu muchu mas grandi i muchu mas fuerte ku nos manera di ta i di nos eksistensia humano. Pa nos komo yunan di Dios, e poder òf e forsa aki ta bini di Dios, sigui pa Kristu i motivá pa Spiritu Santu.

Spiritualidat:

Ta envolví e persona kompletu (kurpa, mente, alma i relashonnan), tur loke ta forma parti di nos bida, e ta un eksperensha evidente, un reto den nos bida diario ku ta invitá nos pa biba nos bida ku e diferente elementonan ku nos a risibí di nos fe(kreensha i balornan) den e forma ku nos a keda krea i ku ta animá nos, duna kandela na nos bida esta un kresementu, un desaroyo ku ta floria nos bida. Un transformashon konsiente di nos bida ku ta envolví diferente eksperensha i konosementu di Dios (no solamente konosé algu di Dios, manera hopi di nos ta hasi). Pues Spiritualidat no ta djis un eksperensha òf un sentimentu. Si esaki ta bèrdat anto ora e eksperensha kaba òf pasa, ora e sintimentu kambia anto kiko ta pasa? Esaki ta hopi hende su spiritualidat. Ta p'esei nan ta bula aki i aya, pasobra nan spiritualidat ta basa riba kos, i manera nos ser humano semper ta bisa nos mas nos tin mas nos ke. Ma spiritualidat no ta basa riba kos, pasobra dia nos no por haña mas kos anto nos bida ta kai den otro. Spiritualidat mester keda biba i manifestá komo algu holistika.

Pa rekapitula:

Spiritualidat Kristian ta: e deseo òf reto pa yena nos bida outentiká, esaki ta envolví na tuma e kreenshanan i balornan di kristianidat i pone nan den práktika di nos bida, di tal forma ku e ta animá nos, perkurá pa e rosea i e spiritu i e kandela den nos bida.

Kapelan Morrison

TRADUKSHON di manual di W.O.S.M. “GUIDELINES ON SPIRITUAL AND RELIGIOUS DEVELOPMENT”

Parti A.

Kapítulo 2: Ophetivo edukativo pa desaroyo spiritual i e prinsipionan di Scouting.

Scouting i edukashon .

Scouting a keda identifiká komo un movimentu edukativo, tin vários forma pa eduká. Si nos wak kon Scouting mes ta papia di su mes i su metanan nos ta mira ku den Scouting tin un variedat di forma pa eduká presente. Kua forma ta mas fuerte ta varia di pais pa pais, region pa region.

Aki algun ehèmpel di edukashon den Scouting:

- Embolbimentu den un sierto kultura.
- Ekipá hóbennan ku medionan pa bida manera trabou i sentido di responsabilidad komo suidadano.
- Alkansá nivel haltu di desaroyo kultural pa e ser humano floresé.
- Ku énfasis riba kresementu i realisashon personal.
- Kontraste ku sosialisashon, preparashon vokashonal i terapia sikológiko.
- Desaroyo di kapasidat rashonal ku ta fomentá determinashon propio.
- Kritiko di “status quo” i stimulashon di kambio sosial.

Klaro ku tin algun aspekto komun den Scouting komo movimentu edukativo:

- E ta no-formal (no eskolar regla pa lei).
- E ta duna prioridat na e hóben.
- E ta atendé e kresementu total di e persona (tur área di kresementu ta haña atenshon).
- E tin komo meta pa krea un mihó mundu.

Lokual ta identifiká Scouting komo un movimentu edukativo ta su método. Un método ku por adaptá segun nesesidat di momento, lugá i prioridatnan di e hóbennan na ken ta ofresé Scouting.



E método Scout.

Método Scout ta e struktura diseñá pa guia i enkurashá Scoutnan riba nan kaminda di kresementu personal. Ta un grupo di elemento kaminda tur ta dependé di otro formando un konhunto unifiká, harmonioso i kompletu.

E método Scout ta intenshoná pa:

- Yuda kada hóben pa usa i desaroyá su propio kapasidat, interes i eksperensha di bida.
- Stimulá deskubrimentu i desaroyo di kapasidat i interes nobo.
- Yuda haña un manera konstruktivo pa kumpli ku nesesidatnan ku ta presentá na e diferente etapanan di kresementu.
- Habri porta pa etapanan nobo di kresementu segun kada hóben su desaroyo.



E elementonan di e método Scout ta:

- Lei i Promesa.
- Siña dor di hasi (hunga i sirbi).
- Sistema simbólico i seremonia pa selebrá bida.
- Grupo chikí (sistema di patruya)
- Kresementu personal
- Bida den naturalesa
- Presensia stimulante di adulto.

Te aki tradukshon di e parti A, di kapítulo 2. Den nos próksimo edishon lo tin parti B di kapítulo, 2, kaminda nos lo para ketu na e diferente elementonan di e método Scout.

Un invitashon ta bai na esnan interesá pa wak e dokumento original riba scout.org. Lesa esaki, kompar'é ku e tradukshon. Nos lo apresíá kualkier korekshon, komentario i sugerensha.

Pa bo Sa (desaroyo spiritual)



Preparando pa Aña di Fe

(11 òkt. 2012 – 24 nov. 2013)

'Porta Fidei'

Karta di Papa Benedicto XVI



Den e Karta Apostólíko 'Porta Fidei' (Porta di Fe) Papa Benedicto XVI ta nombra e aña di fe ku lo kuminsá di 11 òkt 2012 den e sinkuenta aniversario di apertura di Konsilio Vatíkano II i lo terminá den solemnidat di Kristu Rei dia 24 nov 2013.

'Porta di Fe' (cf. Ech. 14: 27) semper ta habrí pa nos.

E ta introdusí nos den un bida di komunion ku Dios i e ta pèrmití nos entrada den su Iglesia.

Pasa dor di e porta ei ta nifiká kuminsá un kaminda ku ta dura henter nos bida largu. E kaminda aki ta kuminsá ku nos Boutismo (cf. Rom. 6: 4) dor di kual nos por yama Dios, Tata, i e ta konkluí pasando di morto pa bida eterno, ku ta fruta di resurekshon di Señor Hesus, Kende ku e don di Spiritu Santu ker a uni den su mes gloria tur esnan ku ta kere den djE (cf. Hn 17: 22).

Profesá fe den Trinidad,- Tata, Yu i Spiritu Santu-, ta ekivalente na kere den un solo Dios ku ta Amor (cf. 1 Hn: 4: 8);

Tata, ku den plenitut di tempu a manda su Yu pa nos salbashon; Hesu-Kristu, ku den misterio di su morto i resurekshon a redimí mundu; Spiritu Santu, ku ta guia Iglesia a traves di siglonan sperando bolbementu glorioso di Señor.

Den e perspektiva aki, Aña di Fe ta un invitashon na un kombershon outéntiko i renobá na Señor, úniko Salvador di mundu.

Dios, den e misterio di su morto i resurekshon, a revelá den plenitut e Amor ku ta salba i ku ta yama hende na kombershon di bida mediante remishon di pikánan (*cf. Ech. 5: 31*).

Ta p'esei ta nesesario un kompromiso eklesial mas konvensí na fabor di un evangelisashon nobo pa redeskubrí e alegria di kere i bolbe enkontrá e entusiasmo di komuniká Fe.

Fe, en efekto, ta krese ora bo ta bib'é komo eksperensia di un amor ku bo ta risibí i ku ta komuniká komo eksperensia di grasía i goso.

Durante e aña aki di fe, nos lo pone mas atenshon riba Hesu-Kristu esun 'ku a inisiá i kompletá nos fe' (Hb. 12,2): den djE ta haña e realisashon di tur angustia i anhelo di e kurason humano.

Den djE, ku a muri i resusitá pa nos salbashon, e ehèmpelnan di fe ku a marka e dos mil añanan di nos historia di salbashon ta haña mas klaridat.

---Pa medio di fe, Maria a aseptá e Angel su palabra i a kere den e mensahe ku l'e bira mama di Dios i na final a haña e frutanan di Kristu su resurekshon.

---Pa medio di fe, e Apòstelnan a bandoná tur kos pa sigui nan Maestro i a bai tur kaminda pa proklamá e Evangelio i a bira testigunan fiel di Kristu.

---Pa medio di fe, e mártirnan a entregá nan bida, dunando testimonio di e bèrdat di Evangelio ku a transformá nan kompletamente asina tantu ku asta nan a pordoná esnan ku a persigú nan.

---Pa medio di fe, hende hòmer i hende muhé a konsagrá nan bida na Kristu, lagando tur kos atras pa asina biba obediensia, pobresa i kastidat ku simpleza evangéliko.

---Pa medio di fe, un kantidat inkontabel di kristian a promové akshon pa hustisia.

---Pa medio di fe, a traves di siglonan, hendenan hòmer i muhé ku nan nòmber skibí den buki di bida, a konfesá e bunitesa di sigui Señor Hesus kaminda ta pidi nan pa duna testimonio di e echo ku nan ta kristian: den famia, trabou, pueblo i den ehersisio di nan karisma i ministerio.

---Finalmente, pa medio di fe, nos tambe ta biba: dor di e rekonosementu bibu di Señor Hesus su presensia den nos bida i historia.

E *Aña di fe* ta un bon oportunitat pa intensifiká testimonio di karidat. '... fe, speransa i amor (karidat); pero esun di mas grandi ta amor (karidat).' (*I Kor 13:13*).

Hak 2:14-18 ta siña nos: 'Mi rumannan, ki bal un hende bisa: "Mi tin fe" i su obranan no ta demostrá esei? Akaso e fe ei por salb'é di huisio? Suponé ku tin un ruman sin paña drechi pa bisti ni sufisiente kuminda pa kome. Ki bal un di boso bis'é: "Te aworó! Tur kos bon! Kòrda tapa pa bo no kohe bientu i bon apetit," si bo no yud'é den su nesesidat? Asina fe tambe ta morto riba su mes, si e no ta kompañá pa obranan!

Pero awor un hende por bisa: "Abo tin fe i ami tin obra!" Anto ami lo kontest'é: "Mustra mi kon un hende por tin fe sin obra i ami lo muestra bo mi fe dor di mi obranan."

Kompas Spiritual

Òktober 2012

Fe sin karidat no ta duna fruta i karidat sin fe ta na merset di un sentimentu di duda. Fe i amor mester di otro mutuamente.

Hopi kristian ta dediká ku amor nan bida na esnan ku ta so, marginá òf ekskluí, pasobra den nan tin refleho di Kristu su rostro. Ta danki na fe ku nos por rekonosé den nan e rostro di nos Señor resusitá.

“Mi ta sigurá boso: tur kos ku boso a hasi pa un di e rumannan di ménos importansia aki di Mi, boso a hasié pa Mi.” (Mt 25-40)

Sostené pa fe nos por mira ku speransa nos kompromiso ku mundu, wardando ‘riba e shelu i tera nobo kaminda tur hende lo biba un bida rekto, tur esaki di akuerdo ku loke Dios a primintí.’

(2 Pedro 3:13; cf. Ap 21:1)

Cf=confer (latin) ku ta nifiká kompará

Splikashon di e logo aña di fe



la nave | la Iglesia

+




el árbol maestro | la cruz

+



el monograma | IHS

+



el sol | la Eucaristía



AÑO DE LA FE: = fuente: *century gothic*
cuerpo: medium
altura: 130% - ancho: 100%



A

2012 = fuente: *century gothic*
2013 cuerpo: medium



B

KRUSADA PELIGROSO



DESKRIPSHON DI E AKTIVIDAT

Durante un enkuentro konta e kuenta i despues laga e partisipantenan klasifiká e komportashon di e personahenan den e kuenta di bon bai malu. Despues por laga nan diskutí e klasifikashon den grupo chikí.

META DI E AKTIVIDAT

1. Konosé ki balornan nos ta para p'e.
2. Bira konsiente di komportashon di otro i di nos mes.
3. Skucha opinion di otro ku respèt.
4. Ekspresá emoshon.

E TA KONTRIBUÍ NA LOGRO DI E SIGUIENTE OPHETIVONAN EDUKATIVO

Rowan:

1. Verifiká regularmente si su komportashon i ekspreshon ta konsistente e balornan ku e ta para p'e.
2. Ekspresá libremente su opinion bou di diferente sirkunstansha i sin deskualifiká e otro personanan.
3. Ta un testimonio di e balornan ku e a skohe pa rigi su bida.

MATERIAL

Ni tin mester di material.

LUGÁ

Kualkier sitio ku por konta un kuenta i sinta diskutí.

DURASHON

Un ora pa un ora i mei.

PARTISIPANTENAN

Un Unidat òf Tribu.

Kompas Spiritual

Òktober 2012

DESAROYO DI E AKTIVIDAT

Repartí òf konta e siguiente kuenta:

Den tempunan ayá tabatin un dama ku yama Alice. Alice ta stima un kabayero ku yama Nicholas. Alice tabata bida kantu di un riu. Nicholas tabata biba na e otro banda di e riu i e riu aki tabata yen di krokodel. E brùg ku ta pasa over di e riu ta kibrá i nan no tin fecha pa drecha esaki. Alice tabata desesperá pa ta huntú ku su namorado i e lo a hasi lokual ta nesario pa e ta huntú ku Nicholas.

Riba un dia Alice a haña un idea. Alice a bai serka Simon ku tin un boto grandi i bunita i e a pidi Simon pa hib'é e otro banda di e riu serka Nicholas.

Simon a akseptá pero ku un kondishon, esta ku Alice lo pasa un anochi kuné. Alice a ninga sin duda i mesora e a bai serka su amigu Frank i e a konta Frank kiko a kaba di pasa. Pero Frank no ke a hañ'é enbolbí den problema di otro hende i a ninga di yuda Alice. Desesperá Alice a disidí na akseptá e kondishon di Simon. E a pasa un anochi ku Simon ku despues a hib'é serka Nicholas.

Ora finalmente e tabata den brasa di su namorado, Alice a konta Nicholas hinter e historia. Esaki a dal Nicholas duru i e tabata tristu, e a hala kita i neglishá Alice. Alice atrobe tabata kibra i desesperá i e tabata dualu sin pariba i sin pabou, te ora e a topa un hòmber i e a konta e hòmber aki tur kos. E hòmber aki a sinti duele di Alice i a disidí ku e ta bai tuma vengansa riba Nicholas. Mesora e a sali en buska di Nicholas pa regla kuenta kuné, esaki na gran alegria di Alice.

Oh, Father, You sent Your Eternal Son to save the world and chose men and women, through Him, with Him and in Him, to proclaim the Good News to all nations. Grant us the graces necessary so that joy may shine in the faces of all young people, the joy of being, by the power of the Holy Spirit, the evangelists the Church needs in the Third Millennium.

Oh Christ, Redeemer of humanity, the image of Your open arms on the top of Corcovado welcomes all people. In Your paschal offering, You brought us by the Holy Spirit to an encounter of sonship with the Father. Young people, who are fed by Eucharist, hear You in Your Word and meet You as their brother, need your infinite mercy to run the paths of the world missionary-disciples of the New Evangelization.

Oh Holy Spirit, Love of the Father and the Son, with the splendor of Your Truth and the fire of Your Love, send Your Light to all young people so that, driven by their experience of World Youth Day, they may bring to the four corners of the world faith, hope and charity, becoming great builders of a culture of life and peace and catalysts of a new world.

Amen!



Official Prayer of World Youth Day



Observe a la hormiga

Proverbios 6.6-8

Dios es el Creador ingenioso. Ha integrado muchos de sus principios a la naturaleza para que podemos ver su obra y aprender de Él (Sal 19.1-6). Si usted desea adquirir sabiduría, no deje de mirar a su alrededor.

Ahora bien, si alguna vez usted ha luchado con hormigas en su cocina o su despensa, probablemente la sabiduría no sea la primera virtud que les atribuiría; a lo mejor lo llamaría determinación. Pero, para la persona perezosa, Dios señala a estos diminutos insectos como un ejemplo de vida sabia. Piense simplemente en cuántas características de la hormiga podrían adoptar las personas: preparación, cooperación, perseverancia, diligencia, unidad, y la lista sigue. Por tanto, la interacción con las personas virtuosas no es la única manera de adquirir sabiduría. Dios quiere también que observemos a la



humilde hormiga que Él creó para trabajar en comunidad.



Hay mucho que aprender del mundo creado. Al dirigir la atención a las aves, Jesús desafía a sus seguidores a considerar lo absurdo de la ansiedad (Mt 6.26). Las aves no cosechan ni recogen en graneros, sino que dan por sentado que su comida les será dada como siempre ha sido. La lección de esta observación de la naturaleza, es que hay que confiar en que el Señor que alimenta a las aves suplirá también las necesidades de su pueblo.

Nuestra búsqueda de la sabiduría tiene que basarse en la Biblia, y cubrirse de oración. Pídale a Dios "ojos para ver" (Mr 8.18). Luego, aproveche todas las oportunidades para crecer en entendimiento, de modo que su capacidad para vivir de acuerdo con los preceptos de Dios se vea acrecentada.



PERSEVERA

Un página di kurashámentu i guía spiritual pa
miembronan di Scouting Antiano



Òktober 2012

Edishon 21 Aña 2

Frasenan pa inspirá....

Un amigo es alguien que entiendo nuestro pasado, cree en nuestro futuro y nos acepta hoy tal como somos.



Ofrecer amistad a quien pide amor es como dar pan a quien muere de sed.



La amistad duplica nuestras alegrías y divide nuestra tristeza.



Una respuesta honesta es señal de una amistad verdadera.

Om bij stil te staan,.....

Een boer had enkele jonge hondjes die hij nog moest verkopen. Hij schilderde een advertentie op een bord met: 4 puppies te koop en zette dit aan het begin van zijn erf aan de kant. Net toen hij de laatste spijker in het bord sloeg werd hij aan zijn overal getrokken. Hij keek naar beneden inde ogen van een kleine jongen. "Meneer" zei de jongen, "Ik wil een van uw puppies kopen". "Wel", zei de boer, terwijl hij met zijn hand achter in zijn nek wreef, "deze puppies hebben hele goede ouders en kosten aardig wat geld". De jongen liet voor een moment zijn hoofd hangen. Toen reikte hij diep in zijn broekzak en haalde een handvol kleingeld voor de dag en liet het aan de boer zien. "Ik heb 39 cent. Is dat genoeg om te kijken?" "Zeker", zei de boer en hij floot een deuntje. "Dolly", riep hij. Uit het hondenhok en over het erf rende Dolly naar de boer toe gevolgd door 4 kleine bolletjes wol. De kleine jongen drukte zijn gezicht tegen het hek. Zijn ogen straalde van verrukking. Terwijl de honden naar het hek toekwamen rennen, zag de jongen nog iets bewegen in het hondenhok. Langzaam verscheen er nog een bolletje wol, maar deze was zichtbaar kleiner dan de andere hondjes. Op zijn achterpootjes gleeed het bolletje het hok uit en op een wat onhandige wijze begon het hondje vooruit naar het hek te hobbelen terwijl het zijn best deed de andere hondjes bij te houden. "Ik wil die hebben", zei het kleine jongetje, terwijl hij naar de waggelende hond wees. De boer knielde naast het jongetje neer en zei: "zoon, je wil dat hondje echt niet. Het is nooit in staat om te rennen of te spelen zoals de andere hondjes kunnen". Toen deed de jongen een stap naar achteren, reikte naar beneden en begon een broekspijp op te rollen. Terwijl hij dit deed werd een stalen beugel zichtbaar aan beide zijden van het beentje van de jongen die vastgemaakt zaten aan zijn speciaal gemaakte schoentje. De boer aankijkend zei hij: "weet u meneer, ik kan zelf ook niet zo goed rennen en hij heeft iemand nodig die hem begrijpt". Met tranen in zijn ogen reikte de boer naar beneden en pakte de kleine puppie op. Hij hield het heel voorzichtig vast toen hij de puppie aan de kleine jongen gaf. "Hoeveel kost het?" vroeg de kleine jongen. "Niets, het is gratis", zei de boer. "Er is geen prijs voor liefde".



De wereld is vol van mensen die iemand nodig hebben die ze begrijpt.